

YMDDIRIEDOLAETH ELUSENNOL YNYS MÔN

PWYLLGOR GRANTIAU CYFFREDINOL

Cofnodion y cyfarfod a gynhaliwyd ar 9 Gorffennaf, 2013

YN BRESENNOL:	Y Mri. Richard A Dew, Jeff M Evans, Jim Evans, Vaughan Hughes, Victor Hughes, Aled Morris Jones, Peter S Rogers.
WRTH LAW:	Ysgrifennydd, Cyfrifydd Cyfalaf a'r Trysorlys (BD), Cymhorthydd Gweinyddol (CS), Swyddog Pwyllgor (MEH), Cymhorthydd Gweinyddol (SC).
YMDDIEHURIADAU:	Mrs. Llinos Medi Huws, Messrs. Richard O Jones, Dylan Rees. Trysorydd.
HEFYD YN BRESENNOL:	Miss Emily Edwards – Profiad Gwaith (Disgybl Ysgol Uwchradd) – Sylwedydd

1 ETHOL CADEIRYDD

Etholwyd Mr. Jeff Evans yn Gadeirydd.
Diolchodd i'r Aelodau am eu hyder ynddo.

2 ETHOL IS-GADEIRYDD

Etholwyd Mr. Jim Evans yn Is-Gadeirydd.

3 DATGAN DIDDORDEB

Cafwyd datganiad o ddiddordeb gan Mr. Richard Dew mew perthynas â chais 23 – Chwarae Cymunedol Rhosneigr. Mae hefyd yn aelod o Bwyllgor y Neuadd Bentref.

Cafwyd datganiad o ddiddordeb gan Mr. Jim Evans mewn perthynas â chais 17 – Clwb Bowlio Tref Biwmares.

Cafwyd datganiad o ddiddordeb gan Mr. Peter Rogers mewn perthynas â chais 1 - Clwb hwyl ar ôl ysgol – Parc y Bont, Llanddaniel.

4 GRANTIAU BLYNYDDOL 2013/14

Cyflwynwyd – adroddiad ar ran y Trysorydd mewn perthynas â'r uchod.

Adroddwyd mai pwrpas yr adroddiad oedd ystyried y ceisiadau hynny sy'n berthnasol i Ymddiriedolaeth Elusennol Ynys Môn. Gwneir dyraniadau yn flynyddol o Ymddiriedolaeth Elusennol Ynys Môn i'r mathau canlynol o brosiectau :-

- Cyfleusterau Cymunedol a Chwaraeon (grantiau cyfalaf bach)
- Grantiau Eraill (grantiau bychain unwaith ac am byth yn bennaf)

Yn ei gyfarfod ar 23 Ebrill, 2013, cymeradwyodd yr Ymddiriedolaeth lawn swm o £50,000 i'r Panel Grantiau i'w ddyrannu i'r categorïau arferol.

Mae'r swyddogion perthnasol o'r gwahanol adrannau wedi ystyried a blaenoriaethu'r ceisiadau a dderbyniwyd, cyn belled ag y bo modd ac yn gyson gyda phenderfyniadau'r Ymddiriedolaeth, amodau a sefydlwyd yn y gorffennol ac o fewn y swm sydd ar gael i'w ddyrannu. Mae argymhellion y swyddogion i'w gweld yn Atodiadau A a B oedd ynghlwm i'r adroddiad. Mae'r

ceisiadau yn cael eu hystyried yn unol â'r 'Amodau ar gyfer dosbarthu grantiau o Ymddiriedolaeth Elusennol Ynys Môn' ac yr oedd copi ynglwm fel Atodiad C i'r adroddiad.

Nodwyd bod un cais arall sy'n llai syml ac sydd heb ei gynnwys yn y crynodeb uchod ond y byddai efallai'n werth ei gefnogi. Y cais oedd :-

Cais Rhif 11 - Canolfan Hamdden Biwmares a'r Cylch: (Mae rhedeg y ganolfan wedi ei drosglwyddo'n ddiweddar o Gyngor Sir Ynys Môn, ynghyd â'r offer y maent yn dymuno'i ailosod).

Roedd yr Aelodau o'r farn y dylid neilltuo swm o £2,352 (grant sy'n cyfateb i 80% o gyfanswm y gost) i'r sefydliad gan eu bod yn teimlo fod yr achos yn haeddu cefnogaeth yr Ymddiriedolaeth Elusennol.

PENDERFYNWYD rhyddhau swm o £2,352 i Ganolfan Hamdden Biwmares a'r Cylch.

Roedd y ceisiadau a dderbyniwyd a'r symiau a argymhellwyd i'w dyrannu ar gyfer Cyfleusterau Cymunedol a Chwaraeon yn 2012/13 fel a ganlyn :-

1. Clwb Hwyl ar ôl ysgol – Parc y Bont, Llanddaniel	Eu galluogi i gynnal gweithdai i ddifyrru'r plant	(DIM) <i>(Ni fedrir cyllido costau rhedeg ac nid yw'r Ymddiriedolaeth wedi cefnogi clybiau ar ôl ysgol yn y gorffennol)</i>
2. Groundwork Gogledd Cymru (ar ran Grŵp Lleiniau Garddio Benllech)	I brynu twneli tyfu planhigion a chyfarpar	(£1,922) <i>(Mae Groundwork Gogledd Cymru wedi cynorthwyo i sefydlu Grŵp Lleiniau Garddio Benllech. Deallir mai Grŵp Lleiniau Garddio Benllech fyddai berchen y cyfarpar).</i>
14. Clwb Pêl-droed Bae Cemaes	Darparu lloches ddiogel rhag y tywydd i wylwyr ac adnewyddu'r ffens sydd wedi rhydu yn yr ardal i wylwyr ym mhen gogleddol y safle	(£4,337) <i>(Teimlir y byddai hyn yn gwella ymarferoldeb a diogelwch y cyfleusterau)</i>
17. Clwb Bowlio Tref Biwmares	Gwneud gwaith ar yr ardal o gwmpas y lawnt fowlio a phrynu peiriant torri gwair.	<i>(Byddai'r gwaith ar yr ardal o gwmpas y lawnt fowlio yn golygu adnewyddu pren sydd wedi pydru. Bydd gwirfoddolwyr yn gosod y pren newydd a byddai'r grant felly'n mynd tuag at y deunyddiau'n unig. Rhoddodd yr Ymddiriedolaeth hon grant tebyg i Glwb Bowlio Llanfairpwll yn 2011/12. Mae'r peiriant torri gwair yn 18 oed ac mae angen un newydd. Ni dderbyniwyd dyfynbrisiau cymharol. £4,150 a fyddai mwyafswm y gost a fyddai'n gymwys).</i> Hyd at £2,905 (yn seiliedig ar 70% o'r gost gymwys a fyddai'n gymwys).

18. Neuadd Bentref Sefydliad y Merched, Llanelian	Prynu system wresogi fwy effeithiol newydd.	(DIM) <i>(Nid ydynt yn gymwys oherwydd cawsant arian o Gronfa'r Degwm yn 2011/12).</i>
20. Cyngor Cymuned Llangristiolus a Cerrigceinwen	Gwella cyfleusterau ar gyfer y cyhoedd yn y fynwent newydd.	(DIM) <i>(Anghymwys - wedi cael arian gan yr Ymddiriedolaeth hon yn 2011/12).</i>
21. Mudiad Ffermwyr Ifanc Ynys Môn	Trwsio'r ramp mynediad i'r anabl a thrwsio'r wal derfyn.	(DIM) <i>(Maent yn derbyn arian o nifer o ffynonellau, yn cynnwys Cyngor Sir Ynys Môn).</i>
23. Chwarae Cymunedol Rhosneigr	Prynu maen dringo ar gyfer y cae chwarae fel rhan o'r cynllun ailddatblygu a gwella mwy.	(£3,430) <i>(Mae cam 1 y cynllun yn mynd rhagddo ac wedi ychwanegu 'springers' yn ddiweddar ar gyfer plant oed cyn-ysgol ac wedi gwneud rhywfaint o waith tirlunio ar y pyllau tywod gan ychwanegu trawstiau balans, goleddfau naturiol a thwnnel.</i> <i>Mae'r cais hwnna r gyfer cam 2 yn waith sydd heb gychwyn hyd yma. Dywedir y byddai'r maen dringo yn lle diogel i blant ddringo).</i>
24. National Coastwatch Institution - Rhoscolyn	Gwella mynediad i'r orsaf a sicrhau diogelwch y cyhoedd yng nghyffiniau'r orsaf a gwaith paentio ac addurno.	(DIM) <i>(Mae rhan o'r cais, sy'n werth £1,500, yn ymwneud â gwaith paentio ac addurno. Nid yw'r gwaith hwn yn gymwys ar gyfer ei gyllido.</i> <i>Mae gweddill y cais yn ymwneud â gwella'r llwybr at y wylfan.</i> <i>Ni dderbyniwyd dyfynbrisiau).</i>
26. Pwyllgor Neuadd Bentref Llanfaelog	Trwsio'r simnai a gosod llechi newydd ar y to er mwyn rhwystro tamprwydd rhag treiddio i'r adeilad.	(£1,949) <i>Mae problemau tamprwydd yn yr adeilad a hynny oherwydd llechi sydd wedi ei difrodi neu sydd ar goll a simnai sydd angen cap a chaeadau plwm newydd).</i>

29. Pwyllgor Cae Chwarae Tregele	Gosod ffens ddiogelwch, gwneud gwaith daear a phrynu offer chwarae ar gyfer y cae chwarae newydd.	(DIM) <i>(Nid yw'r swm y gofynnwyd amdano o fewn sgôp ariannol yr Ymddiriedolaeth).</i>
30. Clwb Pêl-droed Ynys Cybi	Byddai o gymorth i brynu peli, gwisg, offer cymorth cyntaf ac offer tebyg.	(DIM) <i>(Nid yw'r Ymddiriedolaeth yn y gorffennol wedi cefnogi prynu'r mathau hyn o offer oherwydd y byddai'n rhaid eu hadnewyddu bob blwyddyn yn rheolaidd. Yn ychwanegol at hyn, mae £1,250 o'r costau yn gysylltiedig â chostau rhedeg (yswariant, llogi'r cae ac ati).</i>
31. Caeau Chwarae Bae Cemaes	Prynu offer chwarae newydd, ffensio a rhoi arwynebedd diogelwch ar y caeau chwarae.	(DIM) <i>(Mae'r grŵp wedi cael £5,250 hyd yma ac mae arnynt angen £57,958 arall. Byddai'r swm y gallai'r Ymddiriedolaeth ei gyfrannu tuag at y prosiect (gyda chyfraniadau wedi eu cyfyngu i £6k) yn gadael bwlch cyllido (yn seiliedig ar y cyllid a oedd wedi ei gadarnhau ar y pryd) o £51, 958, sef 82% o'r gost gyfan.</i>
32. Canolfan Gymuned Gwelfor	Adnewyddu byrddau a chadeiriau sydd wedi gwisgo ac sy'n beryglus a phrynu cyfrifiadur newydd.	(£489) <i>(Bwriedir defnyddio'r cyfrifiadur yn y swyddfa ac, o'r herwydd, ni fyddai o fudd uniongyrchol i'r cyhoedd. Nid yw'r Ymddiriedolaeth yn y gorffennol wedi cefnogi defnydd o'r fath.</i> <i>Byddai'r dodrefn ar gael i'r cyhoedd ei ddefnyddio a byddai'n costio £699).</i>
34. Cylch Chwarae Kingsland	Cynorthwyo i gyllido ail-leoli'r grŵp.	(DIM) <i>(Nid yw costau rhedeg yn cymwys i'w gyllido).</i>
35. Cwmni Cemaes Cyf	Prynu dodrefn fel rhan o'r gwaith o greu canolfan gynadledau/hyfforddi yng Nghanolfan Dreftadaeth Cemaes.	(£2,848) <i>(Mae hwn yn rhan o gynllun £100k (y llwyddwyd eisoes i sicrhau cyllid o £97k ar ei gyfer). Bwriedir y cynllun mwy i adfywio'r adeilad, gwella cynaliadwyedd drwy ffynonellau cynyddol o reffeniw, elfennau gwyrdd a gwella hwylustod a nodweddion esthetig y cyfleuster).</i>

38. Clwb Pêl-droed Pentraeth	Gwastatau'r arwynebedd chwarae drwy ostwng lefel y gornel o'r cae sydd yn y top ar yr ochr dde.	(£3,885) <i>(Mae'r Clwb wedi cael ei ddyrchafu'n ddiweddar I Gynghair Gwynedd. Byddai'r gwelliannau hyn yn fodd i chwarae pêl-droed o safon uwch. Mae gan y Clwb gysylltiadau agos gyda'r gymuned leol a sylfaen gref o gefnogwyr).</i>
39. Cyfeillion Cae Chwarae Dwyrân	Gosod ffens ddiogelwch ar derfyn y cae chwarae rhwng y tir pori a'r lle chwarae.	(£1,362) <i>(Mae angen adnewyddu'r ffens derfyn rhwng y tir amaethyddol a'r lle chwarae ac mae'n bosibl y bydd yn risg i iechyd a diogelwch yn fuan).</i>
41. Cyngor Cymuned Llangoed a Phenmon	Gwella edrychiad a diogelwch yr ystafelloedd newydd drwy osod ffenestri a drysau newydd yn lle'r rhai sydd wedi pydru.	(£1,330) <i>(Lleolir yr ystafelloedd newid yng nghae cymunedol Llangoed a chant eu defnyddio gan yr holl glybiau chwaraeon sy'n defnyddio'r cae).</i>
44. Clwb Pêl-droed Holyhead Hotspur	Prynu a gosod slab concrit ar gyfer gosod arno adeilad parod.	(NIL) <i>(Diffyg gwybodaeth, dim prawf o ddeiliadaeth).</i>
45. Uned Cadetiaid Môr Caergybi 183	Prynu stôf newydd ar gyfer yr adeilad atodol i'w ddefnyddio gan y Cadetiaid Môr a'r grwpiau cymuned sy'n defnyddio'r cyfleusterau.	(£651) <i>(Nid yw'r stôf gyfredol yn addas na'n ddiogel i'w defnyddio mwyach. Nid yw'r stôf yng ngali'r prif adeilad yn ddigon mawr ac effeithiol ar gyfer achlysuron a digwyddiadau).</i>

Cais 19 – Cymdeithas Amaethyddol Ynys Môn (Gwella'r man eistedd yng nghae'r sioe)

Roedd yr Aelodau' o'r farn bod y cais hwn yn haeddu cefnogaeth oherwydd mae'n un i wella capasiti'r man eistedd allanol o gwmpas prif ring arddangos y sioe gyda'r bwriad y byddai hynny o fantais i bobl anabl, teuluoedd ifanc ac eraill.

Eglurodd yr Ysgrifennydd bod y Gymdeithas yn derbyn cyllid gan y Cyngor Sir bob blwyddyn a nododd fod gan y Gymdeithas asedau. Nododd yr Aelodau mai prif ased Cymdeithas Amaethyddol Môn yw'r Cae'r Sioe ym Mona ac roeddynt yn dymuno cadarnhau eu cefnogaeth i'r cais hwn.

PENDERFYNWYD dyrannu swm o **£1,690.50** i Gymdeithas Amaethyddol Ynys Môn.

(Roedd y Cyngorydd Jim Evans yn dymuno iddo gael ei gofnodi nad oedd wedi cefnogi'r argymhelliad hwn).

Roedd y ceisiadau a dderbyniwyd a'r symiau a argymhellwyd i'w dyrannu ar gyfer Grantiau Eraill yn 2012/13 fel a ganlyn :-

3. Clwb Pensiynwyr y Tŷ Coffi, Llanfaethlu	Rhoi cyfle i aelodau hyn y gymuned fynd ar dripiâu	(DIM) <i>(Nid yw costau rhedeg yn gymwys ar gyfer eu cyllido)</i>
--	--	---

6. Clwb Cyfeillgarwch Pobl Hyn Rhosneigr	Helpu i gyllido costau bysus ar gyfer triapiau	(DIM) <i>(Nid yw costau rhedeg yn gymwys ar gyfer eu cyllido)</i>
8. Cyngor ar Bopeth, Caergybi	Helpu i gyllido Swyddog Diwygio Lles	(DIM) <i>(Nid yw costau rhedeg yn gymwys ar gyfer eu cyllido)</i>
13. Grŵp Marchogaeth Ynys Môn – Cymdeithas Marchogaeth i'r Anabl	Helpu i gyllido costau teithio gwirfoddolwyr ac yswiriant ar gyfer cleientiaid a gwirfoddolwyr	(DIM) <i>(Nid yw costau rhedeg yn gymwys ar gyfer eu cyllido)</i>
15. Ymarfer ar gyfer Byw, Cemaes	Talu i hyfforddwr cymwys gynnal y dosbarthiadau	(DIM) <i>(Nid yw costau rhedeg yn gymwys ar gyfer eu cyllido)</i>
16. Cyngor Plwyf Eglwysig Morawelon	Darparu mynedfa i'r anabl a thoiledau i'r anabl yn yr adeilad	(DIM) <i>(Anghymwys – ni elli'r cefnogi gwaith trwsio ar eglwysi ac nid oes unrhyw gyfeiriad at ddefnydd cymunedol)</i>
28. Clwb Biwmares a'r Cylch i'r Methedig a'r Anabl	Cynorthwyo i gyllido costau llogi ystafelloedd, lluniaeth ac ati	(DIM) <i>(Nid yw costau rhedeg yn gymwys ar gyfer eu cyllido)</i>
33. Clwb Dydd Min y Môr	Cynorthwyo i gyllido Gweithgareddau ar gyfer yr Aelodau	(DIM) <i>(Nid yw costau rhedeg yn gymwys ar gyfer eu cyllido)</i>
36. Operation Friendship Ynys Môn	Cynorthwyo i gynnal y cyfarfod blynyddol rhyngwladol yn Ynys Môn	(DIM) <i>(Nid yw costau rhedeg yn Gymwys ar gyfer eu cyllido)</i>

PENDERFYNWYD cymeradwyo'r symiau, fel y cânt eu rhestru uchod (£x) [gyferbyn â'r symiau a argymhellir], ar gyfradd grant o 70%.

Mater Ychwanegol

Plac i Gynabod Cymorth Ariannol

Dywedodd yr Ysgrifennydd bod y cyfarfod llawn o Ymddiriedolaeth Elusennol Ynys Môn a gynhaliwyd ar 23 Ebrill 2013, wedi penderfynu cyflwyno plac yn nodi'r cyfraniad ariannol i brosiectau lleol ac y dylai'r plac hwnnw gael ei arddangos mewn man amlwg yn y lleoliad.

PENDERFYNWYD

- Cyflwyno plac i sefydliadau sydd wedi derbyn cefnogaeth ariannol gan yr Ymddiriedolaeth Elusennol.
- Rhoddi cyhoeddusrwydd yn y wasg leol i gyflwyno'r placiau a'r gefnogaeth ariannol.

**MR. J.M. EVANS
CADEIRYDD**

